



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS PODUJEVË

Numri i lëndës: 2024:033755

Datë: 15.03.2024

Numri i dokumentit: 05456437

P.nr.31/2024

NË EMËR TË POPULLIT

GJYKATA THEMELORE PRISHTINË - DEGA PODUJEVË, Departamenti i përgjithshëm - Divizioni penal, Gjyqtari i vetëm gjykues Minir Hoti me pjesëmarrjen e sekretares juridike Fatmire Podvorica dhe bashkëpunëtorit profesional Izet Hyseni, në çështjen penale kundër të akuzuarit: Rr. A., për shkak të veprës penale Sulm nga neni 184 par. 2 të KPRK-së, i akuzuar sipas Aktakuzës së Prokurorisë Themelore Prishtinë-Departamenti i Përgjithshëm, PP.II.nr.6387/2023 të dt.26.01.2024, pas përfundimit të shqyrtimit fillestar publik të mbajtur më datë 13.03.2024, në praninë e Prokurorit të Shtetit – Menduhi Kastrati, dhe të akuzuarit, në të njëjtën ditë mori publikisht shpalli aktgjykimin, ndërsa me datë 15.03.2024 përpiloi këtë:

A K T G J Y K I M

I akuzuari,

RR. A. nga i ati A. dhe nëna H., mbiemri i vajzërisë së nënës Sh., i lindur më dt., me vendbanim në rrugën "S.", Komuna e Podujevës, me numër personal të identifikimit, ka të kryer shkollën fillore, profesioni i pa punë, i pa martuar, i gjendjes së dobët ekonomike-sociale-rast social, Shqiptar-Kosovar, Shtetas i Republikës së Kosovës.

Ë S H T Ë F A J T O R

S e p s e :

Me datë 24/10/2023, rreth orës 17:00, në shtëpinë e tyre në rrugën "S." në Podujevë, i pandehuri Rr. A., pas një fjalosje me të dëmtuarën -kumatën V. A., rreth derdhjes së mbeturinave, i pandehuri Rr. A., me dashje e ka përdorur forcën ndaj të dëmtuarës, ashtu që me lopatë e ka goditur në dorën e majtë.

- me këtë ka kryer veprën penale Sulm nga neni 184 par. 2 të KPRK-së.

Prandaj, gjykata në bazë të neneve 4, 7, 17, 38, 39, 40, 46, 47, 48, 49, 69, 70 dhe neni 184 të KPRK-së, si dhe në bazë të neneve 242, 364, 365, 368, 369, 449, 452, 462 të KPRK-së, e:

G J Y K O N

Të akuzuarin me dënim me kusht, ashtu që i shqipton dënim me burg në kohëzgjatje prej 6 (gjashtë) muaj, i cili dënim nuk do ta ekzekutohet nëse i akuzuari brenda afatit prej 1 (një) viti nuk kryen veprë të re penale, pasi që ky aktgjykim të merr formën e prerë.

Gjykata e liron të akuzuarin nga detyrimi i kompensimit të shpenzimeve të procedurës penale ngase pagesa e tyre do ta rrezikonte gjendjen materiale të pandehurit ose të personave që ai detyrohet ti mbështesë materialisht.

E dëmtuara V. A., për realizimin e kërkesës pasurore juridike udhëzohet në kontestin e rregullt juridiko-civil.

A r s y e t i m

Prokuroria Themelore Prishtinë-Departamenti i përgjithshëm, ka ushtruar aktakuzën, PP.II.nr.6387/2023 të dt.26.01.2024, kundër të akuzuarit: Rr. A., për shkak të veprës penale Sulm nga neni 184 par. 2 të KPRK-së.

Lidhur me këtë çështje penale gjykata mbajti seancën e shqyrtimit fillestar më datë 13.03.2024, në të cilën prezantuan prokurori i shtetit Menduhi Kastrati nga Prokuroria Themelore në Prishtinë, si dhe i akuzuari, ndërsa ka munguar e dëmtuara, të cilën gjykata e ka ftuar me ftes të rregullt, nga flet kthesa e PTK-së, thuhet pala e pa njohur.

Pas leximit të aktakuzës nga prokurori i shtetit i akuzuari lidhur me veprën penale që i vihet në barrë deklaroi: E pranoj fajësinë, është e vërtetë si në aktakuzë, ky rast nuk do të përsëritet më asnjëherë, lus gjykatën që të më shqiptoj një dënim sa më të lehtë, pasi që jam i pa punë, jetoj me një social, gjendjen shëndetësore nuk e kam të mirë.

Gjyqtari i vetëm gjykues vërteton se i akuzuari e ka kuptuar natyrën dhe pasojat e pranimit të fajësisë, pranimi i fajësisë u bë vullnetarisht nga i akuzuari, pranimi i fajësisë mbështetet në faktet e çështjes që i përmban aktakuza në materialet e prezantuara nga prokurori i shtetit dhe aktakuza nuk përmban asnjë shkelje ligjore apo gabime faktike.

Prokurori i shtetit në seancën e shqyrtimit fillestar lidhur me pranimin e fajësisë nga i akuzuari deklaroi: Pajtohem me pranimin e fajësisë të bërë nga i pandehuri, pasi që njëjtën e bëri me vullnet të tij të plotë, gjenë mbështetje në shkresat e lëndës dhe në përputhje me dispozitat ligjore, gjykatës i propozoj që të aprovoj pranimin e fajësisë, dhe pranimin e fajësisë ta merr si rrethanë lehtësuese.

Gjykata pas pranimit të fajësisë nga ana e të akuzuarit si dhe marrjes së mendimit të palëve, respektivisht prokurorit të shtetit, si dhe provave që gjenden në shkresat e lëndës vërteton se janë përmbushur të gjitha kushtet ligjore të parapara sipas dispozitës së nenit 242 par.1 të KPPRK-së, dhe e aprovoi pranimin e fajësisë nga ana e të akuzuarit në shqyrtimin fillestar, andaj gjykata konform nenit 248 par.6 të KPPRK-së, ka vazhduar me shqiptimin e dënimit.

Gjatë procedurës penale nuk janë paraqitur rrethana të cilat do ta përjashtojnë përgjegjësinë penale të akuzuarit, kështu që i njëjti është penalisht përgjegjës.

Në bazë të gjendjes faktike të vërtetuar edhe nga vet i akuzuari, gjykata vërteton se me veprimet inkriminuese të akuzuarit përmbushen të gjitha elementet qenësore të veprës penale Sulm nga neni 184 par. 2 të KPRK-së, e për çka gjykata gjeti se i akuzuari në aspektin penal-juridik është përgjegjës, për çka të njëjtin e shpalli fajtor dhe i shqiptoi dënim si në dispozitiv të këtij aktgjykimit.

Me rastin e vendosjes së llojit dhe lartësisë së dënimit, gjykata pati parasysh të gjitha rrethanat e parapara me nenin 69 dhe 70 dhe në rastin konkret si rrethana lehtësuese gjeti faktin se i akuzuari gjatë shqyrtimit fillestar e ka pranuar në tërësi fajësinë për veprën penale e cila i vihet në barrë, i gjendjes së dobët ekonomike-rast social, ndërsa si rrethanë veçanërisht rënduese gjykata nuk gjeti. Andaj gjykata ka shqiptuar dënimin si në dispozitiv të aktgjykimit me bindje se ky dënim është adekuat me shkallën e rrezikshmërisë shoqërore të veprës së kryer penale dhe shkallën e përgjegjësisë penale të akuzuarit dhe se me një dënim të tillë do të arrihet qëllimi i dënimit i paraparë me nenin 38 të KPRK-së, që të parandaloj

kryesin nga kryerja e veprave penale në të ardhmen, të bëjë rehabilitimin e tij, të parandaloj personat e tjerë nga kryerja e veprave të tilla penale, të bëjë kompensimin e viktimave ose të komunitetit për humbjet ose dëmet e shkaktuara nga vepra penale dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

Vendimi mbi lirimin nga pagesa e shpenzimeve të procedurës penale është marrë në kuptim të nenit 452 par. 4 KPPRK-së, ngase pagesa e tyre do ta rrezikonte gjendjen materiale të pandehurit ose të personave që ai detyrohet ti mbështesë materialisht, pasi që i njëjti është përfitues i ndihmës sociale, i evidentuar sipas kartelës së ndihmave sociale me numër të regjistrimit 16285.

Vendimi mbi udhëzimin e të dëmtuarës për realizimin e kërkesës pasurore-juridike në kontestin civil është marrë në kuptim të nenit 462 par. 1 dhe 2 të KPPRK-së.

Nga sa u tha më lartë dhe në bazë të nenit 364 të KPPRK-së, u vendos si në dispozitiv të këtij aktgjykimi.

GJYKATA THEMELORE PRISHTINË - DEGA PODUJEVË,
Departamenti i Përgjithshëm - Divizioni penal
P.nr.31/2024 me dt. 15.03.2024

G j y q t a r i

Minir Hoti

KËSHILLË JURIDIKE: Kundër këtij aktgjykimi është e lejuar ankesa në afat prej 15 (pesëmbëdhjetë) ditëve nga koha e pranimit të të njëjtit, Gjykatës së Apelit në Prishtinë, nëpërmjet kësaj Gjykate Themelore.